

10270.13
1235
11/3

嘉靖長沙府志
上野圖書館所藏
昭和高等一月廿六日
昭和

START
Reprinted by
FAR EASTERN BOOK-SELLERS'
Micro Service Center
Tokyo Japan

長沙府志

二二

登录号

114P1

函

3

册

序長沙郡志

明

嘉靖庚寅予自荆移潭前守滁陽孫君以郡志稿屬曰子其終之請卿宦宮贊茶陵張君重蒐刪益義例準遷史癸巳入刻曰子宜序序曰古者地理有圖有志蓋周官職方氏與小史外史所掌而道以詔王者非徒以飾吏事廣人之見聞而已述沿革而知世道之升降辨山川而知經制之詳畧計田賦而知公歛之厚薄本物產而知民生之贏瘠

長沙府志前序


下

一

察宦迹而知吏治之得失按人物而知士習之淳正俗尚之流淳其於政乎繫焉大且要也潭爲郡支自衡鎮湘江下注洞庭境環及千里自昔封建國朝屢分藩焉固重地也產多名臣碩士而寓宦忠憤之臣澤民抗節之賢講道過化之大儒光萃焉賦五倍楚諸郡窮氓遷復不常客寓維于土著而寇訟由之俗古而染或異者勢也爲政者觀則而究慮則志其可緩乎哉抑郡志古有無不可考

國朝久未輯刻孫君創稿而代去非職史兼長如張
君其何以振千百年之曠典哉顧謏陋無能為役
而樂志成以植政後有續者可不朽焉是又不但
一人一時之幸而已孫君名存字性甫甲戌進士
張君名治字文邦與予同辛巳進士

嘉靖十二年十二月二十日新安潘鑑序



長沙郡志叙

嘉靖癸巳冬十二月長沙郡志成徐子曰夫志何志也以志志也志何以志君子之志在斯民欲致其志於民故志之也致其志可矣又何以志事往則跡湮勢窮則力竭君子欲致其志於無窮故志之示久遠也是故禹功成而禹貢作周道隆而周官成孔子曰吾志在春秋茲聖人之志之志也故人之於志也可以知政可以觀化可以興可以鑒

觀斯志也其知所以爲志也乎是故維王體國經野升降離合之迹世變可知也使民明於故志沿革萬國之建諸侯是親封建者示民以親親之道也故志封建親親之道富貴之而已治其民者吏也故志職官爲治之道莫大於興賢故志選舉賢才者人之所視以爲重者也賢才生而後地愈重故志地里地利興斯財用足故志食貨財用足然後民可勞也故志建置建置當先於學校禮義

之地風化出焉故志學校禮義之教興而後幽明
之道盡故志正祀明德罔罄禍亂斯作戢亂者兵
也故志兵防兵戎戢而後山川寧山川寧而後形
勝見故志名勝名勝之地必有宦游之賢者蒞之
也故志名宦有名宦亦必有鄉士大夫之賢者從
而興起焉故志人物人事美惡之間天心之感應
隨之故志物異至於異教之匪經事變之靡一要
之皆鑒戒也故志方外志雜紀終焉是故觀物異

志而天遙明觀地里志而地遙陳觀職官人物諸
志而人遙詳參三才立人極茲士之志故志之以
致志也是志也何自有之創始於前守孫子性甫
卒成於今守潘子希平而筆之者則史氏張子文
邦也今天下郡邑咸有志吾郡大矣故無志何無
其志故莫之志也人皆有志小人之志在一己廣
人之志在一時君子之志在天下後世志有大小
則政有隆污故有志有弗志也是故有其志而弗

之志者隘也無其志而志之以爲飾者冒也如其
志志之而苟焉以從事者弛也斯政之敝也化之
靡也均之志之失也傳曰必有闕睢麟趾之深意
然後可以行周官之法度故曰志也者以志志也
嗚呼後之有志於斯者其求諸所以爲志也乎

嘉靖甲午春二月初吉

賜進士出身奉議大夫南京冬官郎中前江西按察
司副使奉

長沙府志敘後

八

三

勅提督學校郡人徐一鳴譔

引志

長沙志久廢弗修以觀乎山川疆域邑居民數經制度物而無所於裁也以觀乎政治得失民俗緩急弛張先後而無所於稽也以觀乎風氣民習異同趨舍而無所於徵也嘉靖戊子太守滁陽孫子性甫乃屬地官郎楊子林攷郡之故而創志焉既就稿孫子代去辛卯婺源潘子希平自荊州來守潭復以屬之子治治曰是國之典也事之理也物之紀也予小子弗學其何敢其何敢潘子曰史以彰往昭來開潛而發

微也予為大史而弗論載廢郡邑之故不得減哲先之業不述墮天下之史余甚懼焉治喟然嘆曰是余之罪也夫是余之罪也夫乃取子林所為稿而筆削之為譜五為紀十二為卷六凡若干萬言江淹曰修史之難無出於志陳壽號善敘述李延壽稱究悉舊事而所著二史獨於志畧焉誠以憲章所係不可得而易也予小子弗學其何能與於斯聊輯見聞之舊以綴于篇備遺忘耳庶幾後之君子有志於經邦稽古者得觀覽焉 史曰神農氏始殖長沙之茶鄉

史亦曰祝融氏堃荼陵露水則潭固古天子巡狩之地聖王所理也道有升降或離或合割立併置各殊然要以親百姓通王道推世運之次作郡縣沿革世譜第一 易曰建萬國親諸侯自三代制廢後世所損益不同而興衰強弱之變可監焉作封建世譜第二 古大國地方千里長沙之疆凡九百里而強其守固古諸侯也可不重歟可不重歟循名攷實百世莫遁焉作郡守以下歷任年譜第三 維百里之命寄於令維德則附否則違之不可不慎也召父杜母

之愛豈不遠哉作十二州縣職官歷任年譜第四 易曰聖人養賢以致萬民賢者國之所倚以立也取用之途古今各異制然要以得人才同政治比集科目之制自宋以迄于今作選舉年譜第五 維先王畫地經野以同民於軌夷險遠近風氣所鍾也比形勢疆域之理協民俗之宜作地里紀第一 維國之食在民民之食在力其贏縮之節不可不辨也視物產阜薄以輕重貢賦征役之宜有司之責與作食貨紀第二 維興作之役王政不能廢也然民所勞焉

靈臺之什城郭之書其將慎所擇乎作建置紀第三
詩曰青青子衿學校之廢其有刺也夫故為政者
先焉作學校紀第四 昔者民罔中于信以覆誼盟
發聞惟腥先王所矜也昭之彛典俾有馨香則萬靈
罔不格本祀事之常罔淫于邪作正祀紀第五 書
曰有備無患司馬遷曰非兵不强非德不昌武備之
設所從來尚矣而今或玩焉操戈與甲而弗可以戰
也可不懼歟作兵防紀第六 維潭襟山帶川湖南
之秀若攬而有嶽麓之勝賢人君子所歷也百世猶

耿光焉詩曰高山仰止作名勝紀第七 維君子勤
民澤用下究維德休明百世其烈不可掩也作名宦
紀第八 大上立德其次立功其次立言及夫幽人
貞婦皆可不朽以風之天下也集論其行事之大以
述來古作人物紀第九 天人之際其感不可忽也
禋祥妖孽可以觀政作物異紀第十 異端之教其
從來也久矣流行弗可離已其極則民興胥漸浪泯
焚焚以蹈于匪彛可懼也作方外紀第十一 理窮
而疑事紛而亂不能以一也然弗可遺焉存之而備

搜考作類紀以書事列第十二

長沙府志卷之十一

／

引四

／

長沙府志目錄

卷之一

郡縣沿革世譜

封建世譜

郡守以下歷任年譜

卷之二

十二州縣職官歷任年譜

選舉年譜

卷之三

長沙府志目錄

地理紀

食貨紀

卷之四

建置紀

學校紀

卷之五

正祀紀

兵防紀

名勝紀

卷之六

名宦紀

人物紀

物異紀

方外紀

雜紀

目錄畢

長沙府志目錄

一


二


長沙總圖一

長沙府圖一

岳麓書院圖一

州縣圖十





二

